

Mohlolo wa botee magareng ga diphuthego

Thero mo Hesekiele 37:15-28

Palo ya Beibele: Hesekiele 37:1-14

Temanathero: Hesekiele 37: 15-28

Ka moka re tseba ka ga dikarogano magareng ga Bakriste. Dikarogano tše dingwe di ka ba gona, lebakeng la gore mo dikerekeng tše dingwe Lentšu la Modimo ga le bolediwe, empa go boletwa seo e sego thereso. Le ga go le bjalo re swanetše go amogela gore go na le dikarogano tše dingwe magareng ga dikereke lebaka e le bonganga bja batho, mohlala baruti ba babedi ba phuthego e tee ba feleletša ba elwa, gomme kereke ya kgaogana ka diripa tše pedi. Tše ke ditiragalo tše makatšago, gomme re swanetše go tšwela pele go rapela gore Modimo a thibele ditiragalo tše mo kerekeng. Dikgaogano magareng ka diphuthego gantši e ba lebaka la bonganga bja batho le bja sebe! Mo dinakong tša Beibele dikgaogano tša phuthego e be e le seo le sona se diragalago. Go na le mohlala wa kgaogano magareng ga batho ba Modimo. Kgaogano ye e thomile e sa le nako mathomong, ge balsiraele ba be ba dula nakonyana e nyane mo lefaseng la tshepišo, Kanana. Ke nagana ka dikgaogano ge Joshua e be e le moetapele wa batho ba Isiraele. O ka bala ka seo mo go Joshua 22. Fela ka morago ga merafe ye e fapanego e thoma go dula mo mafelong ao ba e neilego yona ditaba di ile tša patlalala gore merafe yeo e lego ka thoko ya noka ya Jordane ba thomile go tliša dihlabelo tša bona, ba se na taba le lefelo leo Modimo a le kgethilego, e lego taberenakele. Go tliša dihlabelo go Modimo e be e le sešupo se bohlokwa matšatšing ao ge go rapelwa Modimo. Gabotse yo mongwe a ka bitša se a re ke kgaogano magareng ga dilete tša batho ba Modimo. Ka mahlatse mathata a a ile a kgonwa go rarollwa ka nako yeo.

Empa ga go a feta lebaka fela ke ge mathata a mangwe a thoma. A fetela pele le pele. Yo mongwe a ka hlaloša history ya batho balsiraele e le bjalo ka history ya dikgaogana tša mahloko. Gabotse lebaka la ge botee bo bile gona le be le kgethega. Re ka gopola ka ga lebaka la go tloga ka kgoši Saulo o fihlela go kgoši Salomo. Pele ga ge lebaka le e ba gona dilete di be di dira seo se lego botse mahlong a bona. Ka morago ga lebaka le mmušo o ile wa kgaogana ka diripa tše pedi. Le ge kgoši Davida a be a tšea sedulo sa bogoši, go be go na le kgaogano mathomong ga mengwaga ya gagwe ya go buša, Isobotho morwa wa Saulo yo a bušitšego Isiraele gomme Davida e be e le kgoši fela nageng ya Juda. Empa ka morago ga lehu la Salome go ile go a ba le kgaogano ye e sa felego yeo ilego ya fetša mengwaga. Morwa wa Salomo Rehabeama o bile kgoši ya karolo ya mmušo wa borwa, gomme Jerobeama a tšea karolo ya mmušo wa lebowa.

Tabataba: Hesekiele o porofeta ka ga mohlolo wa botee magareng ga diphuthego.

Temana ya rena e latela pono yeo e kukago maikutlo ge re bala mo ditemaneng ya 1-14. Mathopisa ao a lapilego a rile: tshepo ya rena e fedile, re šetše ka marapo ao a omilego, mathopisa a a ile a humana molaetša go tšwa go Modimo: Ke tlile go nea bophelo bjo bofsa marapong a. Go laetša molaetša o kukago maikutlo o Hesekiele a o humanego ponong. Moedi wa marapo a omeletšego a mebele yeo a hwilego a tsoswa – ka ponyo ya leihlo – go ba batho ba phelago gape. Ke tlile go bula mabitla a lena. Ke tlile go dira gore le tswe mo mabidleng. Ke tlile go tseba gore nna ke boletše se gomme ka sedira, Modimo yo, a tlilego to phetha tšohle tšeo a di boletšego. Wo e be e le molaetša o kukago maikutlo wa temana ya rena.

Le ga go le bjalo mo temaneng ya rena lehono re kopana le molaetša o kukago maikutlo ka go fetiša. Gobane temana ya rena e bolela ka mohlolo wa kagišo magareng ga baratho bao ba lwago – poelano magareng ga Juda le Isiraele.

Go bolela se ga bonolo go batho, Hesekiele o laelwa go dirafatša modiro o kgethilwego. O swanetše go tšea diripa tše pedi tša kota, a ngwale godimo ga tšona ka bobedi. Mo seripeng sa mathomo sa kota o swanetše go ngwala a re: *Judah le Isiraele ba kopanywa le yena*. Ye ke hlaloso

ye e kgethilwego. Re tlwaetše go bolela ka Judah gomme ka go le lengwe ka Isiraele, le ka ga mmušo wa lebowa le mmušo wa borwa. Empa ka nnete, mohlala, lešika la ga Benjamene le ile la ba karolo ya mmušo wa borwa. Mmušo wo o be o se ka letsogong la Judah. Re sa le bale batho bao ba tšwago lesikeng la baLefi mo mmušong wa borwa wa be bego ba dira mošomo wa boperisita. Gomme go tlaleletša se, re bala mohlala mo go 2 diKoronika 11 gore ba bantši go tšwa lesikeng la baLefi ba ile ba tšhaba mo go mmušo wa lebowa ba tšhabela mmušong wa borwa, ka morago ga gore kgoši Jerobeama a thome go arogela thoko mo go ditaelo tša Modimo mo lebakeng la go tliša dihlabelo. Re bala ka seo mo 2 diKoronika 11:14f: 'baLefi ba ile ba tlogela dinaga tša bona le mahumo a bona gomme ba tla mo go Judah le Jerusalema gobane Jerobeama le barwa ba gagwe ba ba ganeditše bjalo ka baperisita ba Modimo. Gomme a kgetha baperisita ba gagwe mo madulong a Modimo gomme ba dira medingwana ya pudi le namane yeo a di dirilego.' baPerisita ba bantši ba tumelo ba ile batšhabela mo mmušong wa Judah. Gomme go tlaleletša seo, go be go na le batho ba bangwe go tšwa dileteng tša mmušo wa lebowa bao ba ilego ba ya mmušong wa borwa, go ya ka mo 2 diKorinika 15 go tloga dileteng tša Ephraeme, Mannaseh, le Simeone. Le ke lebaka leo Hesekiele a swanetšego go ngwala mo seripeng sa pele sa kota: *Judah le Isiraele ba kopanya le yena.*

Mo seripeng sa bobedi Hesekiele o swanetše go ngwala a re: *lehlotlo la Ephraeme, leo e lego la Josepha le ka moka ba ngwako wa Isiraele ba kopanywa le yena.* Ye ke hlalošo ya mmušo wa lebowa, wo o bego o bitšwa Eferaeme.

Legatong la bobedi Hesekiele o swanetše go tšea diripa ka bobedi tša kota mo matsogong a gagwe, gomme o swanetše go gatelela yengwe ka yengwe, gore di lebelege e ke ke kota a tee.

Mo ditemaneng tša 18-23 Modimo o nea hlalošo ya sešupo sa modiro wo. Ge motho a ka botšiša moporofeta gore hlalošo ke eng, o swanetše go araba a re: bjalo ka bahlale Morena o tlile go dira karogano magareng ga mmušo wa lebowa le borwa gore e fele. Modimo o tšea dikota tše pedi, gomme ga a di betle bjalo, gobane ge a ka dira bjalo go tlile go ba le lebadi, empa o tlile go dira gore ka moka ga tšona e be selo se setee. Kantle le lebadi, mohlomongwe a thoma ka bokamoso bja karogano gape. Go tloga ka lehu la Salome (e ka ba mengwaga ya makgolo a mararo ye e fetilego) mebušo ye mebedi ye e be e buša kgauswi le kgauswi, yo mongwe le yo mongwe a na le dikgoši ya gagwe, Jerobeama le Rehabeama, le bahlatlami ba bona. Empa, go ya ka porofeto ye, ge Modimo a tlile go tliša batho ba gagwe go tšwa bothopsa nakong ye e tlogo, karogano ye e tlile go ba selo se se fetilego, gomme go tlaleletša fao le bootswa bo tlile go ba selo seo sa fetilego. Gomme Morena ka nnete o tlile go ba Modimo wa Isiraele, gomme Isiraele e tlile go ba batho ba gagwe. Isiraele ka moka. Go boa ga bothopsa, bjale, e ka se be fela tiragalo ya Bajuda. Morena o tlile go tliša balsiraele, bao ba tšwago mmušong wa lebowa go tšwa dinageng ka moka tšeo ba lego go tšona. Go tšwa ka mathoko ohle, o tlile go ba bitša.

Kgathololo ya porofeto ye e na le ditlamorago tšeo di phatlaletšego e sego fela go batho bao ba lego bothopsa nageng ya Babilona, magareng ga bona go be go dula Hesekiele, yo a bego a swanetše go ba botša ka porofeto ye. Go boa ga bona bothopsa go ka se ba tlišetše tetelo fela, mo tšelang ye e lego magareng ga Babele le Jerusalema, go tlile go ba le ditetelo ditšelang tše dingwe, go tšwa diphefong tša mathoko ohle, mo tšelang ye e tšwago Egipta e ya go Jerusalema, tsela e tšwago Siria e ya go Jerusalema, tsela ye e tšwago Asia Minor e ya Jerusalema, le go tloga tšelang ye e tšwago lewatleng, mathopsa a tlile go boa! Go tšwa mathokong ohle, mo balsiraele, e sego fela go tšwa borwa, empa go tšwa mmušong wa lebowa ba phatlaletše. Ka moka ga bona ba tlile go bušwa ba kopanywa. Ke tlile go ba dira batho ba tee, go bolela Morena. Gomme kgoši e tee e tlile go ba buša.

Re ka botšiša potšišo: ana porofeto ye e phethagetše? Gobane ge go boa go tšwa bothopsa le ge Jerusalema e agiwa ka leswa – gape le tempele – ga re bale mo gongwe mo go bolelwago ka Kgoši. Empa Hesekiele o bolela ka Kgoši – temana ya 22: 'go tlile go ba le kgoši yeo e ba bušago...' re a tseba – nakong tše dingwe – ka ga mmuši yo a tlilego nakong ye e tlogo, le ga go le bjalo e be

e le mmuši wa montle, bjalo ka baPerisia, goba baGerika, goba baRoma... Go ga katša le go feta ka seo re se balago mo temaneng ya 24: 'mohlanka wa ka Davida o tlile go ba kgoši ya bona...' ana seo se šoma bjang? Gobane Davida o hlokošetše nakong ye e fetilego, e ka ba mengwaga ye makgolo a mararo le seripa. Ana Davida o tlile go tsogo mo bahung? Ana seo se šoma bjang?

Bana bešo, mo go Testamente ya kgale diporofeto tšeo di bolelago ka kgoši Davida di lebešitšwe go kgoši ya maleba. E se gore Davida e be e le kgoši ya maleba le yeo e nepagetšego. Beibele ga e didimale ka ga ditiragalo tše: bootswa, lehu, le go ganetša ka mo go laetšwago ka gona ka ditiro tša batho, motho yo a sa hlokomelago lapa la gagwe gabotse, gopola ka Abosalome le Adonia... le ga go le bjalo, go na le seo se lego bohlokwa se ka bolelwago ka Davida: e be e le motho yo – ka kgaugelo ya Modimo – amogetšego diphošo tša gagwe. O be ipolela dibe tša gagwe. O be a phela go tšwa mo tebalelong ya dibe. Seo se mo laeditše bjalo ka kgoši. Kudukudu ka seo o bile bjalo ka se bophego sa kgoši ya maleba. Monna yo a lego pelong ya Modimo. Temana ya 24: 'Davida mohlanka wa ka o tlile go ba kgoši ya bona...' ka porofeta ye re ithuta gore Modimo o tlile go romela kgoši ya maleba. Gomme lehono re a tseba gore Modimo o mo rometše, go tšwa ngwakong wa Davida, empa go feta tšohle: Morwa wa Modimo, Jesu Kriste, Kgoši ya go sa felego, yo a tlilego go kopanya bana ba Modimo bao ba kgaoganego mo mphaphahlogong o tee.

Ye ke boteng bja porofeto ye: botee. Ga go sa na dikgaogano. Go ba botee nakong ye e tlogo. Botee bjo bonago le ditlamorago tša go se ganetše. Re kgaogana le sebe. Lebelela temana ya 23: 'ba ka se hlwe ba ipea medingwaneng le ditshwantšhong go ba se sengwe seo se ganetšago, gobane ke tlile go ba phološa go tšwa mo kganetšong ya dibe, gomme ke tlile go ba hlatšwa...'

Go bohlokwa gape gore Modimo ga a dire phapang mo. Gobane e be e le lebaka gore mathomong mmušo wa lebowa ke ona o thomilego go tlogela Modimo, mo la Juda a tšwetšego pele ka thuto le tsela ya nnete. Mohlomongwe yo mongwe o be a lebeletše gore a ka bala a re: Modimo o tlile go hlatšwa Isiraele, mmušo wa lebowa, makgopo a bona le dibe tša bona, o tlile go a tloša, gore a kgone go ba kopanya le phuthego ya nnete, yeo e lego Judah. Empa se ga se seo re se balago. Ga go na phapang. Ka bobedi Isiraele le Judah Modimo o bolela le tšona: ke tlile go ba phološa ga tšwa mo dibeng le go boela morago ga bona. Ke tlile go ba kopanya. Kopanyo e mpsha. E sego gore yo mongwe a tswenywe go yo mongwe, empa kopanyo e mpsha. Gomme ngwako wa ka o tlile go ba magareng ga bona neng le neng. Bodulo bja Modimo, tempele – re gopola ka ga motse wa Jerusalema.

Ga re a swanela go hlakahlakana mo: ana ga se balebowa ba thomilego go tlogela Modimo ka nnete? Jerobeama yo a iteretšego mafelo a gagwe a borapedi, a ganetša batho go ya Jerusalema, lefelo la nnete? Se segolo thata, ke ka tsela yeo se thomilego ka gona, kgaogano go tšwa Jerusalema ka tlase ga boetapele bja Jerobeama. Le ga go le bjalo mathopsa ao Hesekiele a porofetago go wona ga ba swanela go lebala gore Judah le yena o ile a tlogela Modimo ka borapedi. Go diragala bjalo gore ba sa dula mo Jerusalema, go be bjalo gore tšwele pele go tliša dihlabele mo tempeleng, le bona ba ile ba thoma go aroga. Go fihlelela mo Modimo – bokgethwa bja gagwe – bo ilego bja swanelwa ke go tlogo mo tempeleng. Re bala ka seo mo go Hesekiele 10. Gomme ditlamorago ke gore moago o ile wa thubiwa. Gomme Judah le Isiraele ba ka se kgona go šupana ka menwana. Ka bobedi ga ba thome go itebelela mahlong. Ka bobedi ba ile kgole le Modimo. Gomme ka bobedi gona bjale phološo ba e fiwa ke Modimo, phološo yeo e thomago ka go go boela ga bona morago.

Boteeng bja porofeto ye ka nnete bo phatlaletše gore sehlopa seo se lego bothopsa nageng ya Babilona, Hesekiele o swanetše go se laela. Modimo o tshepiša tsosološo, e sego fela mathopsa ao a lego Judah, empa le ao a lego mmušong wa lebowa. Bao ba thupilego ke baAsyria mengwaga ye ka bago lekgolo le seripa pele ga bothopsa bja Judah le Jerusalema. Ba ba bego ba phatlaletše magareng ga bantle, go thoma nageng ya baGerika ka thoko ya bodikela go fihlela Perisia mo bohlabana. Ka nnete, go tšwa mathoko ohle Modimo o tlile go ba buša!

Re a tseba gore porofeto ye e phethagetše mo go Kriste. Ge baapostola ba Jesu – mohlala Paulo – a ilego a thoma leeto la go rera, ba ile ba thome go etela disinagoge tša Bajuda bao ba lego dinageng tša kgole. Gomme ba bantši ba bona ba ile ba sokologa, gomme ba dumela Ebangedi gomme ba kolobetšwa. Mohlomongwe Aquila le Priscilla, bao re balago ka bona mo go Ditiro 18, ka bobedi. Go a makatša, ka mo porofeto ye e phethagetšego! Gomme le go fihlela le lehono Bajuda ba sokologa, ba thoma go ipolela gore Jesu wa Nazaretha ke Mesiah wa bona. Modimo o tšwela pele go phethagetša porofeto ye! Ga re a swanela go lebala bjalo ka phuthego lehono go rapelela tshokologo ya Bajuda, re swanetše gore re tšwele pele go lebelela seo le rena!

Kantle le se go na le tsela yengwe yeo porofeto ya Hesekiele e re akaretšago le rena. Gobane bjalo ka batho ba Modimo ba kgale, Bakriste mo mengwageng le lehono go na le go tšhoša ga go kgaogana nako le nako. Ge e ka be e se kgaugelo ya Modimo, ana bofelo bo ka be bo le kae? Empa go rena Modimo o tshepiša kopano (botee). Bohlanka wa ka Davida o tlile go ba buša. Kriste o kgoboketša phuthego ya gagwe, o a e širiletša le go e hlokomela. Nakong yengwe re ka lebelela go kopana, empa nako le nako re lebeletše go se be le selo. Empa re ka se kgona go tšwelela, Yena o dira bjalo. Phuthego e tee lefelo le letee. Ngwako wa ka (botee!) o tlile go ba gare ga bona. Ke tlile go ba Modimo wa bona, gomme bona e tlile go ba batho ba ka (botee!). dikgaogano tša phuthego di tliša mahloko a mantši. Ga re lebogeng Modimo re na le tshepišo: Kriste o tlile go fodiša. Re hlologetše se, kudukudu ge maitapišo a rena a fetoga lefela.

Ga re duleng re na le tumelo mo go Lentšu la Modimo. Ga re tšweleng pele go šoma ka botee magareng ga ba Modimo a ba bušago ka nnete. Ga re se ke ra swaya ba bangwe dipošo. Re phela lebakeng la bjale. Mo nakong ya bjale Kriste o kgoboketša mohlape wa gagwe. Bjalo ka ge a dirile bjalo nakong ye fetilego ge mathopsa a mantši go tšwa mathoko ohle ba kopana gape mo lefelong la gagwe go ba botee, o dira bjalo le lehono. Ga re se ke ra itira e ke Modimo ga a gona mo go rena. Seo se ka leša dihlong. Temana ya rena e ganetša mathopsa a Judah ao a lego tsela pedi diphaphanong. Go tšwa mathoko ohle Modimo o kgoboketša batho ba gagwe. O tlile go dira bjalo le nakong ye e tlogo. Le gona mo Afrika borwa. Modimo ga a lebala ka Bakriste bao ba lego kerekeng ya Roma, goba ZCC, goba DRC, goba e ka ba phuthego efe goba efe, bjalo ka ge a se a lebala ka rena. Mo dikerekeng tše ka moka Moya wa gagwe o thoma tsosološo. Go bohle modumo ke wa tshokologo, go sokologa go dula mo tumelong, ka nako tšohle go boelwe mo nneteng, go phela ka kgaugelo fela dipresente tše lekgolo (100%). Modimo o re biletša gore re dule mo nneteng, le gore le hlokomelange gore re dule mo nneteng. Go fihla la lehono mo Kriste ka boyena a tlilego go boa, go boa gomme a dire ngwako wa gagwe, lefelo la borapedi magareng ga rena neng le neng. Ka nnete, bjale ditšhaba ka moka le batho ka moka ba tlilego tseba gore ke wena Modimo.

Amene.